

# Dikon bo døkter mes no por duna bo un sertifikado médiko?

Bo a tende di bo døkter ku e no por duna 'sertifikado médiko' (tambe yamá deklarashon médiko). Esey ta berdat. Ku esey bo døkter a bai segun e reglanan ku KNMG, e organisashon profeshonal di døkternan a establese.

## Dikon bo døkter no por duna 'sertifikado médiko'?

Un sertifikado médiko ta un deklarashon pone riba papel ku ta kontene un opinion di bo komo pashent i bo abilidadat òf desabilidadat (médiko) pa por òf no por siertu kosnan. Ehempelnan ta: den kondishon pa por traha, pa por kore un outo, pa por bai skol, por kuida e muchanan bon, pa por biaha òf pa por tin derecho riba un permit pa parker òf un bibienda adaptá.

## Solamente dor di un døkter independiente

Sorto di deklarashonnan médiko asina, por wòrdu duna solamente dor di un døkter independiente, pues no e 'propio døkter'. E dokter ey, por traha un opinion propio di bo situashon. Si bo ta permití, e døkter ey, tambe lo por pidi informashonnan ekstra serka e døkter(nan) ku ta trata bo.

## Kua ta e motibu pa esaki?

Bo døkter ku ta trata bo, meste por konsentrá su mes riba bo tratamentu. Un bon relashon di konfiansa ku bo ta importante pa esey. E relashon di konfiansa ey por kore peliger na momentu ku e døkter ku ta trata bo duna un opinion ku pa bo no ta faborabel. Meste evitá ku pa e motibu aki por bin un konflikto entre abo i bo døkter. Pesey meste tin un liña kla entre e tratamentu i e evaluashon si bo ta bin na remarke pa siertu benefisionan. Di e manera aki, nada no ta stroba bo pa duna bo døkter tur informashon ku ta nesario pa bo tratamentu.

Tambe ta importante pa bo pa e kontrol wòrdu hasi dor di un døkter ku ta na altura di e eksigensianan pa bin na remarke pa e benefisionan spesifiko ku bo ta pidi. Bo propio døkter no tin tur konosementu di esey. Pesey no ta posibel tampoko pa bo propio døkter duna un bon opinion.

## Kiko bo por hasi pa haña un sertifikado médiko?

1. Bo por informa na e instansha ku ta pidi e sertifikado médiko si ta suficiente si bo mes entregá un deklarashon di bo estado di salú. Eventualmente den forma di un lista di pregunta yena dor di bo mes.
2. Bo por pidi e døkter ku ta trata bo pa un kopia di e parti di bo historia médiko den kua siertu datonan di bo salú ta pará. P.e. e resultado di un tèst di kanamentu, e resultado di midimentu di bo bista etc. Esey lo bo por manda pa e instansha ku ta pidi un deklashon médiko;
3. Pa e evaluashon nesario, bo por bai serka un døkter profeshonal al respekto, serka ken bo no ta bou di tratamentu. E døkter aki tambe por pidi informashon tokante di bo salú serka e døkter ku ta trata bo i uza e informashon aki pa su evaluashon. Esey por solamente si bo duna outorisashon.
4. Na e instansha ku ta desea di bo un deklarashon médiko, bo por pidi si nan por regla un døkter independiente pa bo.